

## ADMISIÓN DE ESTUDANTES

Os/as estudantes que queiran ser admitidos/as no título deberán estar en posesión dun Grao Universitario ou titulación equivalente. Este máster está dirixido principalmente a profesionais do ámbito da xestión da auga e a titulados/as da rama de enxeñaría e de ciencias que queiran desenvolverse laboralmente neste campo.

En base á afinidade da titulación de acceso ao máster, a Comisión Académica Interuniversitaria do Máster (CAI) poderá considerar a necesidade de cursar complementos formativos. Seguindo a directriz do RD822/2021 o número de créditos de complementos de formación poderá oscilar entre 0 e 18 ECTS. Estes créditos adicionais poderanse cursar de maneira simultánea, pero a súa superación será, en calquera caso, de carácter obrigatorio para a obtención do título.

De acordo co RD 822/2021, reservarase, polo menos, un 5% de prazas para estudantes que teñan recoñecido un grao de discapacidade igual ou superior ao 33%, así como para estudantes con necesidades de apoio educativo permanentes.

## REQUISITOS DE ADMISIÓN ESPECÍFICOS E/OU CRITERIOS DE VALORACIÓN

As competencias en materia de admisión son responsabilidade da Comisión Académica Interuniversitaria. Os baremos para o procedemento de admisión basearanse nos seguintes aspectos:

1. Adecuación da titulación de acceso aos contidos do máster
2. Expediente académico

A admisión dos/as estudantes será valorada en función da afinidade da titulación de acceso coa temática do máster. O primeiro dos criterios é excluínte, de modo que os candidatos/as para os que se estableza a non adecuación do título de acceso quedarán excluídos/as.

A preferencia ou prioridade de admisión dependerá do COLECTIVO DE ACCESO ao que se pertenza. Os colectivos de acceso preséntanse a continuación, ordenados de maior a menor, en base á súa prioridade de acceso. Dentro de cada colectivo, as solicitudes de admisión ordenaranse en base ao expediente académico. En caso de non cubrir as prazas ofertadas coas solicitudes do colectivo A, valorarase a admisión das do Colectivo B e por último as do Colectivo C e D.

### ▪ **COLECTIVO A. Estudantes en posesión de titulación de acceso prioritario.**

Algunhas das titulacións prioritarias coas que se quere xerar sinerxías son: o Grao en Enxeñaría de Obras Públicas e o Grao en Tecnoloxías da Enxeñaría Civil da UDC; o Grao en Enxeñaría dos Recursos Mineiros e Enerxéticos, o Grao en Enxeñaría da Enerxía, o Grao en Enxeñaría Química Industrial e o Grao en Ciencias Ambientais da UVIGO; o Grao en Enxeñaría Química, o Grao en Enxeñaría de Procesos Químicos Industriais e o Grao en Enxeñaría Civil da USC; o Máster en Enxeñaría de Camiños, Canais e Portos da UDC e o Máster en Biotecnoloxía Avanzada da UDC e UVIGO, o Máster Internacional en Enxeñaría da Auga da UDC coa Hochschule Magdeburg-Stendal (Alemaña); o Máster Universitario en Enxeñaría Ambiental e o Máster Universitario en Enxeñaría Química e Bioprocesos da USC; o Máster en Enxeñaría de Minas da UVIGO.

Para os titulados/as do colectivo A que proveñan de graos universitarios de ciencias, a comisión Académica Interuniversitaria do Máster valorará si débense cursar complementos formativos — entre 0 e 18 ECTS—, a definir en cada caso.

A CAI resérvase o dereito de incorporar no colectivo A titulacións non anteriormente especificadas, en base á análise das solicitudes recibidas.

- **COLECTIVO B. Estudiantes en posesión de titulación do ámbito da enxeñaría ou das ciencias, afín, pero de non acceso prioritario.**

A CAI establecerá os complementos formativos (entre 0 e 18 ECTS) a cursar en cada caso, en base ao grao de afinidade da titulación de acceso co programa formativo do máster.

- **COLECTIVO C. Estudiantes en posesión de titulación do ámbito da enxeñaría ou das ciencias, non afín.**

A CAI valorará a posibilidade de admisión e, no seu caso, establecerá os complementos formativos (entre 0 e 18 ECTS) a cursar, en base ao grao de afinidade da titulación de acceso co programa formativo do máster.

- **COLECTIVO D. Estudiantes en posesión doutras titulacións.**

A CAI valorará a posibilidade de admisión e, no seu caso, establecerá os complementos formativos (entre 0 e 18 ECTS) a cursar, en base ao grao de afinidade da titulación de acceso co programa formativo do máster.

Dentro de cada colectivo, tamén se valorará a afinidade de titulacións do EEES e de fóra do EEES asimilables. A CAI, con apoio e asesoramento dos servizos administrativos competentes, valorará si cumpren os requisitos de acceso e establecerá, de estimalo necesario, os complementos de formación, que poderán oscilar entre 0 e 18 ECTS.

## DOCUMENTACIÓN COMPLEMENTARIA

----

## CONDICIÓN DE EXPEDICIÓN DO TÍTULO DE MÁSTER

Ter superado:

- 36 ECTS de carácter Obrigatorio
- 24 ECTS de carácter Optativo
- 12 ECTS de carácter obrigatorio da materia "Prácticas Externas"
- 18 ECTS de carácter obrigatorio da materia "Traballo Fin de Máster"

No seu caso, ter superado os complementos de formación establecidos pola CAI (máximo 18 ECTS).

## MODALIDADE DE ENSINO

Modalidade de ensino presencial: o conxunto da actividade lectiva desenvólvese de forma presencial, interactuando o profesorado e o alumnado no mesmo espazo físico salvo nos casos nos que, debido ao seu carácter interuniversitario, a actividade docente teña lugar nun centro e ao mesmo tempo de forma virtual noutro.

## MATRÍCULA DE ESTRANXEIROS ALLEOS AO EEES

Condições: posesión de título procedente de sistemas educativos que non formen parte do EEES, que equivalla ao título de Grao, sen necesidade de homologación do título, pero si de comprobación por parte da universidade do nivel de formación que implican, a condición de que no país onde se expediu devandito título permita acceder a estudos de nivel de posgrao universitario.

A CAI, con apoio e asesoramento dos servizos administrativas competentes, valorará si se cumpren os requisitos de acceso e establecerá, de estimalo necesario, os complementos de formación. Seguindo a

directriz do RD822/2021 o número de créditos de complementos de formación poderá oscilar entre 0 e 18 ECTS.

#### MATRÍCULA A TEMPO PARCIAL

Condições: Matricularse, por curso académico, dun número de ECTS comprendido entre 18 e 47 ECTS. A solicitude de matrícula a tempo parcial ten que ser debidamente acreditada en prazo e xustificada.